

Aquelo pèço a daverá 'n Proumié Pres emé Medaio d'Or i Jo Flourau d'aquest an
de l'Acadèmi Prouvençalo - Seicioun d'Antibo

Lou Troubadour Trevant

Un jour à l'ouro de vuei, sus la terro de Prouvènço...

Lou Troubadour

Mai, coume tout es mut! Sèmblo qu'eici tout dor.
Lou mistrau a cala; un silènci de mort
Sèns fremin, sèns resson s'estènd sus lou campèstre.
D'oumbrun, rèn que d'oumbrun!... Coume s'èro lou mètstre,
Dins soun sourne mantèu, de l'esplendour dóu cèu
Escarfant lou clarun, bandissènt lis aucèu,
Lou negre Desespèr sus l'antico Prouvènço
Es-ti vengu jita lou grun de descasènço?
E que soun devengu li mascle dóu païs?
La daio de la Mort dins un grand chapladis
Lis a bessai sega. La masco afangalado
Bagnant de soun verin la terro desoulado
A jita dins lou cros, li fiéu de nòsti fiéu.
Mai noun! Veici quaucun qu'aribo pensatiéu;
S'avanço plan planet, e sa tèsto se clino
Em'un grèu pensamen. Escoundu dins l'oumbrino
Veirai sènso èstre vist.